



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Veri & Pii Sacerdotis Idea Seu Vita R. D. Iacobi
Merlo-Horstii, Pastoris B. Mariæ Virginis In Pascvlo
Coloniæ, SS. Theol. Licent.**

Crombach, Hermann

Coloniæ, 1645

Post Concionem.

urn:nbn:de:hbz:466:1-14591

veritas moueat linguam , vt vitam feriat : ab-
sist, vt verbis mihi ipſi iudex & factis accusator
euadam ; sed da, vt fortius opere doceam quam
verbo , ne cœleste pabulum culpā meā viciatum
quibus tuis sine omni profectu frustra propona-
tur.

Domine Iesu , & me & auditores meos ,
sanctorum nobis assistentium Angelorum ma-
nibus in sacratissimi Cordis tui benedicti Vul-
nere colloco & repono , vbi ab inimico Verbi
tui fructum gnauiter impedituriente , tuti &
securi degamus , vbi velut in cœlestis sapientiae
tuæ Gymnasio in eloquijs tuis sufficienter in-
struamur , tibique deinceps fidelissime seruien-
tes , ad æterna Beatorum consortia , post hanc
vitam dignè recipiamur , à te Saluatore & lu-
dice nostro , qui cum Patre & spiritu Sancto
es benedictus in sœcula , Amen.

POST CONCIONEM.

C Ommendabis Auditores tuos de-
nuò Christo Saluatori , vt semen
Verbi eius à te iactum in cordibus fide-
lium fructum multum adferre iubeat .
Nam neque qui rigat , est aliquid , neque
qui plantat , sed qui incrementum dat
Deus . Item commenda illos Angelis suis

cu-

custodib⁹, vt identidem segnes extimulent ad faciendum ea quæ didicerunt,
& inimicum prohibeant, ne superfc̄ minet
zizania, aut bonum semen eradat.

ORATIO.

Tvanos, quæsumus Domine, gratia semper præueniat & subsequatur, & bonis peribus iugiter præstet esse intentos.

Largire nobis, quæsumus Domine, semper spiritum cogitandi, quæ recta sunt, propitius & agendi, vt qui sine te esse non possumus, secundum te viuere valeamus. Per Dominum nostrum Iesum Christum Filium tuum, qui tecum viuit & regnat, in unitate Spiritus Sancti Deus, per omnia saecula saeculorum, Amen.

Scripsit deinde breue compendium eorum omnium, quæ seruatu maximè necessaria sunt Monialibus, & quibus diligenter re ipsa præstitis facili methodo possint ad summam perfectionem adsprire: sunt ea valde perfectionis cupidis in eo statu utilia: quæ ideo ad calcem libri Latio donata reieci, ne narrationis filum interrumpam.

Accidit verò frequenter, vt grauibus acutisq; morbis Iacobus affligeretur.

Vir-

Virgines, ut ei quo possent modo suum
gratificandi studium declararent, cibos
delicatos, exquisitis condimentis appa-
ratos ægro transmittebant: quibus ille
inspectis, ridenti vultu familiaribus ad-
stantibus, ut se magis vinceret, dicere
solebat: Næ illi cibi lautissimi videntur:
delicatè parati, conditi optimè: facerent v-
tique ad gustum, & stomachum meum: sed
heus VVilhelme, is dum ei ab obsequijs e-
rat, ad nosocomium propera: reperies sat
multos, qui magis quam ego talibus delicis
indigent: mihi vulgaris & parabilis adhuc
cibus sapit. Ita nec tactu vel gustatu di-
gnatus lautiora fercula, domo abesse
voluit. Solenne hoc illi erat, cum ab a-
amicis etiam vel Parœcis epulæ conquisi-
tæ mitterentur, plerumque ad ægrum
quendam, qui in vico Eichenbuch appellato
nouem annis affixus lecto decumbe-
bat, vel ad hospitalia destinare.

Sub idem ferè tempus festo Circum-
cisionis Domini reuersus, post labores
maximos domi pessimè habere cœpit,
& varijs iactari, lacinariq; doloribus,
ut mortuo quam viuo similior videre-
tur, & sudor è corpore præsertim è vul-

F tu

tu manaret vberrimus : depositus adi-
gnem sex ipsas horas quasi cum morte
colluctari videbatur , Medico protinus
vocato : sed qui parum leniret tantos do-
loris aculeos : elapsis sex horis cùm pau-
lulùm remitteret inclemensia morbi ,
gaudere visus est , & ridente facie con-
uersus ad adstantes , ait : *Quàm bonus*
est Dominus : ecce quàm hoc die mihi pre-
tiosam strenam offerre dignatus est , vt par-
ticeps fierem doloris , quem nostrâ causâ per-
tulit : Interim nullum vel gemitum ,
vel animi impatientis leuissimum tota æ-
grotatione signum edidit : immò sum-
mis in beneficijs habuit , Circumcisio Do-
mino compati: nam si compatimur , & con-
regnabimus.

C A P V T XXIX.

Egregia documenta , quæ familiari sacris ini-
tiando dedit , & varia eius præclara
facta & dicta.

Debetur hoc Caput & præcedens
R. D. Wilhelmo Römer Virsensi,
Vicario B. Virginis Dolorosæ in Scheib-
bahn